

M544B: Mittelfränkische Urkunden 1275-1299

- 231-233,28 ich Ernest van Blankenberc tuon kunt allen den die disen brief sient daz
ich inde
- 231-233,29 ver Lise mîn hûsvrouwe mit gesameneter hant vüre uns vüre unse kint inde
vüre unse erben
- 231-233,30 verzigen hân uffē daz guot von Virnenburc daz wir gemeine hatten mit
hêrren Wilhelme
- 231-233,31 van Waldecke mîn selbes hêrren Ernestes swester sune mit den lêhenen mit
deme lande mit den
- 231-233,32 liuten mit buoze mit holze mit garten mit wisen mit hûse mit hove inde
mit alle der gûlten
- 231-233,33 kleine oder grôz die dâr zuo gehoeret inde hân daz verkoufet deme selben
hêrren Wilhelme
- 231-233,34 dê hier vore genant ist mîner swester sune inde sîner hûsvrouwen inde sînen
erben zuo besitzene
- 231-233,35 êwelîche âne anesprâche âne hindersal inde âne aller slahte arge list inde
mit allen deme
- 231-233,36 rehte alse wir ez mit ime besezen hatten sament inde gemeine inde daz daz
stæte sî inde stæte
- 231-233,37 belîbe sô is dirre brief besigelet mit mîn selbes ingesigele inde mit ingesigele
uneses neven
- 231-233,38 hêrren Ernestes von Burgesheim diz is geschiet nâh gotes gebûrte tûsent
jâr zwei hundert
- 231-233,39 jâr inde vûnve inde sibenzic jâr
- 264-273,7 ich Jutte vrouwe van Bedbure tuon kunt allen den die disen brief sulen sien
. inde
- 264-273,8 hoeren . daz ich mit Vrideriche van Rîferscheit mîneme sune alsô
übertragen haben . daz ich
- 264-273,9 der ehte vuoder wînes van sente Martine die mir die grævinne Mehthilt die
wîlen grævinne
- 264-273,10 was zuo Seine jârgelîches pflac ze gebene ûz gegangen bin sôwaz ich rehtes
dâr ane hatte .
- 264-273,11 inde verzigen . den selben wîn sal der selbe Vriderich mîn sun van der selber
vrouwen
- 264-273,12 haben inde halten vortmê ze mannes lêhene . inde ich niht . inde hê sal
ouch ire alsolichen
- 264-273,13 dienest inde reht tuon alse man dannen abe ze rehte schuldic is ze tuone .
in urkûnde diser

- 264-273,14 dinge sô haben ich disen brief gegeben der selber grævinnen besigelt mit
mîneme ingesigele[.]
- 264-273,15 diz geschach nâh gotes gebürte . tûsent jâr . zwei hundert jâr . inde sehse
. inde sibenzic
- 264-273,16 jâr . daz dis brief gegeben wart .
- 267-274,2 diz sint di einlützige liute van Heimbach . di an hoerent den den
burcgræven /
- 267-274,3 van Hamerstein inde den burcgræven van Rînecke Jutta der hiunen /
Kuonrât Brûse / Jakobes
- 267-274,4 sun van Revennache / Elsa unde Herman Vritze unde Heinrich Vritzen /
kint / Reinhart unde
- 267-274,5 Vritze van Heimbach Fia Kuonrâtes wîp van Wîs unde ire kint Gêtrût Klâs
/ Imel Klâs
- 267-274,6 tohter van Wîs / Vritze Jakobes sun van Revennache / Nesa / Klâs unde
Gêtrûte tohter /
- 267-274,7 Kôna des rôten swester unde ire kint van Wîs / Gêtrût des hiunen swester
unde ire kint
- 267-274,8 Wilderich hiune / Heinrich Beier / Göbel Tile Kôna Irmetrût unde
Heinrich Kunen kint / van
- 267-274,9 Wîs des rôten swester
- U05-5,1 ez sî kunt allen den jenen . die nû sint . inde her nâh komen solen . daz
siben erbegeuôzen an den mûlen die vore Kôlnen ûf deme Rîne hangent .
hânt gesworen mit henden die heiligen geruort .
- U05-5,2 ûf ireme schrîne . daz si noch umbe miete . lôn . vriuntschaf . zorn . noch
haz . noch umbe keine wîs en solen lâzen . si en sulen reht urteil geben .
eineme iegelîchen zuo behaltene
- U05-5,3 sîn reht an den mûlen . inde dâ ane sal daz minneste part . van den
gesworenen deme meisten parte volgen sunder widerrede . vort . sôwanne
ein der gesworenere stirbet . sô solen
- U05-5,4 die anderen die nochdanne lebent . ûf ire wârheit inde bescheidenheit
kiesen einen anderen an des tôten stat . nâh deme meisteme parte under in
. inde dê sal sich mit deme voresprocheneme
- U05-5,5 eide verbinden zuo haltene daz dâ voresprochen is . ende geviel iz alsô daz drî
der gesworenere kuren einen man . inde die ander drî kuren einen anderen
man . sô solen si lôzen under in .
- U05-5,6 inde swelicheme parte daz lôz gevellt . des kûre sal vort gân . sunder
widerrede . inde dise kûre sal geschien under deme eide binnen vier wochen
van der zît daz der ander starp . vort
- U05-5,7 sô solen die gesworenen under in einen meister kiesent . inde dê . sal sîn
ein ganz jâr meister van sente Remieges tage vürewert ze rechenene . inde
daz jâr umbe is . sô sal der jen dê
- U05-5,8 meister was einen anderen meister kiesent an sîne stat . alsô als in dunket
daz urborlich sî . inde dise meisterskûre sal allerjærliches van deme eineme
an den anderen vallen vort

- U05-5,9 swelich sô meister is under den sibem gesworenen . dê mac den anderen zesamene gebieten ûf einen genuometen tac . inde eine genuomete zît des nôt is . als ze schribene . ob urteile ze gebene .
- U05-5,10 inde dâ sal der meister selbe bî sîn . inde sôwê dar niet en komet ûf die zît die genuomet wirdet . dê sal gelten vier pfenninge zuo buozen . inde sôwê ze mâle dar niet en komet dê sal gelten .
- U05-5,11 sehs pfenninge zuo buozen . inde hê en sal ûf den tac kein teil hân . van deme geschrifte . inde man en sal niemanne sîne buoze lâzen . bî deme eide . vort sôwanne daz der gesworenere
- U05-5,12 drî inde zwêne anderen die erbegenôzen an den mûlen sint . bî ein sint . sô mûgen si ire schrîn ûf sliezen . inde schriben daz dâ ze schriben is . vort ob ieman
- U05-5,13 erbe . in eines anders hant wîsen inde ûf tragen wilt . dê sal daz tuon . vore zwein gesworenen . inde vûnv anderen obe mê die geerbet sîn . inde sal daz sîn wîp des ûftragærs daz stæte
- U05-5,14 halten . dâ solen über sîn . zwêne gesworene . ob ein gesworen . inde zwêne ungesworen . vort sôwelich van den gesworenen einen slüzzel hât van deme schrîne . inde den zuo deme gebote
- U05-5,15 ûf einen iegelîchen tac dar niet en sentet . obe selber zuo deme geschrifte dâr mite niet en komet . dê sal gelten drî schillinge ûf den tac zuo buozen . vort sôwê komet dê an
- U05-5,16 erbe der mûlen sunder rehte anesprâche vridelîchen gesezzen hât . drîzic jâr . inde über zît der tage . inde daz mit sibem persônen beheltet . den sal man schriben an daz erbe .
- U05-5,17 vort sôwê zuo brenget mit zwein . obe drîn . sînere erbegenôzen an deme selben erbe . ob hê si hât . ob mit vier anderen rehtlîchen persônen . daz einic erbe van den mûlen van rehter .
- U05-5,18 teilen . an in gevallen sî . den sal man schriben an daz erbe . mit behaltnisse eineme iegelîchen sînes rehtes . dê mit mêrme rehte komet binnen jâr inde tage inde widerspricht daz .
- U05-5,19 vore drîn gesworen . inde vier anderen erbegenôzen ungesworen die zuo minnesteme dâr über müezen sîn . inde man einic urteil dannen ab gebe . sô sal eine iegelîche partîe . van den die dâ
- U05-5,20 zweient . guote silberîn pfande legen in daz schrîn . dâ man ûf lêhenen müge zwâ marke kölnisches pagamendes under juden . inde sôwê übermittes urteile vellt van sîneme rehte . dê sal die zwei
- U05-5,21 marke gelten in daz schrîn zuo buozen . inde man urteile geben sal . sô sal man den gesworenen . zesamene gebieten . inde die gesworen solen daz urteil geben nâh deme meisteme parte
- U05-5,22 under in die dâ entgânwürtic sint . vort . sôwanne der meister van den gesworenen . obe die des multers wartent gebietent gemeinlîchen . obe sunderlingen . den erbegenôzen –[...]
- U05-5,23 van den mûlen gesworen inde ungesworen . umbe iren gemeinen urbor inde nôt . sôwê ûf den tac inde ûf die zît die genuomet inde dâr zuo bescheiden wirdet . deme gebote niet en volget .
- U05-5,24 dê sal gelten sehs pfenninge zuo buozen . vort . ob einigeme erbegenôzen van rehter geburt . einic erbe ervellt . an den mûlen . dê sal geben van eineme iegelîchen zienteile . zweliv

- U05-5,25 pfenninge zuo geschrifte . inde sôweme einic erbe ervellt an den mûlen .
van mâcschaf besîten zuo . dê sal geben van eineme iegelîchen zienteile .
zwêne schillinge zuo geschrifte .
- U05-5,26 inde sôweme erbe ervellt an den mûlen . van einere vremeder hant . obe
dê erbe an den mûlen giltet . dê sal geben van iegelîchem zienteile vier
schillinge zuo geschrifte . inde van deme
- U05-5,27 brieve zuo lesene vore schrîne . sal man geben van iegelîcheme stücke
driuzien pfenninge . vort wære daz sache daz einige einige persône si sî
man . obe wîp . dâ daz êliche bette zebrochen
- U05-5,28 wære . mit ireme eide begriffe . vore drîn . obe mê gesworenere . inde vore
vier anderen geerbeten obe mê . daz si ire teil der mûlen vore lîbes noeten .
inde vore irere schult behalten
- U05-5,29 niet en kunde . sô sal man daz kunt tuon iren næhesten . an die daz
erbe vallen mohte . inte sal an in ervorderen obe si der persônen ires lîbes
nôtdurft willen geben . inde ire schult
- U05-5,30 bezalen . obe en willen . inde willent si des niet tuon . sô mac die einige
persône . ire teil der mûlen an ander hende brengen . inde verkoufen sweme
si willt . vort sôwaz van
- U05-5,31 geschrifte . inde van buozen . inde van anderme îvalle in daz schrîn komet
. daz solen die gesworen die entgânwürtic sint under in teilen . inde solen
dannen ab ireme schribær lônên .
- U05-5,32 vort ob einic der erbegenôzen van den mûlen sîn reht an der mûlen [...] –
[...] ob einiger – .
- U05-5,33 vort ob einic der erbegenôzen van den mûlen . sîn reht . an den mûlen
. einigeme priestere . ob einiger begînen . ob anderre geistlicher ob
wereltlicher persônen geben wolte . sô en is
- U05-5,34 nôd daz einic der erbegenôzen dê einic reht dâ ane hât dâr über sî . iz en
wære sache . daz hê ein iegelich malter loesen wolte in urbor der gemeinere
erbegenôzen . sô is des nôd daz hê
- U05-5,35 dâr über sî . wande daz gemacht inde geordiniert is umbe gemeine guot
inde vride der stat van Kôlnen . inde der erbegenôzen . inde ein iegelich
malter sal man loesen mit zweliv
- U05-5,36 schillingen kûninges turnôsen die guot sîn inde gæbe .
- 337-320,16 ich Mehthilt wîlen grævinne was ze Seine tuon kunt allen den die disen
briev sulen
- 337-320,17 sien inde hoeren daz ich den bruoderen van deme diutischen hûse van
Oberbreitbach hân gegeben
- 337-320,18 in almuosen mînen hov dê liget uf deme ackere bî der niuwer burc / den
ich machete
- 337-320,19 inde bûwete sider der zît daz ich mîn guot an daz gestifte van Kôlne kêrte /
inde dâr
- 337-320,20 zuo allez daz guot daz dâr zuo gehoeret . daz ich ouch al vergolten haben
mit mînen pfenningen
- 337-320,21 sider der zît daz ich mîn ander guot kêrte an daz gestifte van Kôlne . diz
hân ich getân
- 337-320,22 mit alsô solichen voreworten daz ich daz selbe guot sal halten zuo mîneme
urbore alsô lange

- 337-320,23 also ich leben . inde sôwanne ich en bin sô wile ich daz Gekele die alte inde Gekele die
- 337-320,24 junge mîne juncvrouwen den selben hov inde daz selbe guot haben inde des gebrûchen vrîliche
- 337-320,25 die wîle si leben . sôwanne ir ein stirbet / sô sal die andere die dâ lebende belîbet
- 337-320,26 den selben hov inde daz selbe guot genzelîche inde allinclîche besitzen inde des gebrûchen
- 337-320,27 die wîle si lebet . sôwanne si beide tât sint / sô sal dê hov inde allez daz guot / lôs inde
- 337-320,28 ledic êwelîche belîben den selben diutischen bruoderen van Breitbach in almuosen vûre mîne
- 337-320,29 sêle inde mînes hêrren sêle / inde aller mîner vorderen sêle . inde uf daz die selbe bruodere
- 337-320,30 deste stätigere inde deste vester sîn an deme guote / sô hân ich des mit in übertragen daz
- 337-320,31 ich si zehandes lâzen in gân alsô daz si daz selbe guot sulen winnen ze halpscheide inde
- 337-320,32 sulen mir die wîle ich leben allerjârlîches halp die urbore geben van deme guote . inde nâh
- 337-320,33 mîneme lîbe den selben juncvrouwen alsô also hier vore gesprochen is sunder arge list . in
- 337-320,34 urkûnde inde in stâticheite diser dinge / sô hân ich den selben diutischen bruoderen van
- 337-320,35 Oberbreitbach disen brief gegeben besigelt mit mîneme ingesigele . diz geschach nâh unses hêrren
- 337-320,36 gotes gebûrte tûsend jâr zwei hundert jâr . inde ehte inde sibenzic jâr .
-
- N160-126,2 wir swester Mehthilt eppetisse inde swester Sophie prîorissee inde daz convent algemeine
- N160-126,3 van Sentewalburgeberge tuon kunt allen den die disen brief sulen sien daz die pfert die
- N160-126,4 uns Reinhart van Lindenberg inde sîne helfære nâmen ze Sehteme uf unser vrouwen lande
- N160-126,5 der grævinnen Mehthilde die wîlen grævinne was ze Seine uns vergolten sîn inde
- N160-126,6 alsô widertân daz wir der selber vrouwen danken inde allen den die uns dâr zuo hulfen
- N160-126,7 wir hân ouch guotlîche dâr uf verzigen alsô daz wir daz niemer en gevorderen an niemanne
- N160-126,8 mit geinere hande vorderingen hier über was hêrre Winrich van Vischenich bruoder Heinrich
- N160-126,9 van sente Johannes spitâle bruoder Arnolt inde ouch ander unse bruodere Blankart der
- N160-126,10 türewartær inde ander guoter liute genuoc in urkûnde diser dinge sô hân wir der selber
- N160-126,11 vrouwen gegeben disen brief besigelt mit unsen ingesigele diz geschach nâh gotes gebûrte

- N160-126,12 tûsent jâr zwei hundert jâr inde niun inde sibenzic jâr
- U06-006,1 iz sî kunt al den diu disen brief ane sient [inde] hoerent lesen daz ein guoten bescheit
- U06-006,2 hât gemacht hêrre Gêrlach van Ûtgenbach mit urkûnde guoter liute die her nâh
- U06-006,3 beschriben steint enzwûschen sîn êrsten kinden . inde sîn lazzeren kinden hêrren Roriches .
- U06-006,4 inde hêrren Hermannes van Rennenberc . inde des waltboten van der niuwer burc
- U06-006,5 Johannes . Gôbelen . inde Heinriches drîer gebrüedere van Arscheit inde Arnoldes
- U06-006,6 hêrren Hermannes sunes van Rennenberc . hêrren Johannes van Housen . Kuonrât –[...]
- U06-006,7 sunes inde anderre guoter liute vile die[.] hêrschaf van Ûtgenbach . liute inde
- U06-006,8 guot manne inde dienstmanne . inde waz dâr zuo gehoert âne als solich guot als hire
- U06-006,9 vater scheiden wirdet . daz guot van Bruchhûsen inde daz van Sessenhûsen . in –[.]
- U06-006,10 hêrren Dieteriche –[...] . daz guot van Arscheit[.][.] inde daz guot van Hasselenbach
- U06-006,11 –[...] –[...] –[...] –[...] –[...] inde daz guot ze –[...] –[...] –[...]
- U06-006,12 daz gelegen is sal hêrren Dieteriche erben . ich Dieterich jien des an disen
- U06-006,13 brieve daz wir schuldic sîn ze lâzene mînen geswisteren . als solich guot als
- U06-006,14 mit unser swester wart gegeben ze Derne obe als soliche gûlte dâr ab ze gebene
- U06-006,15 als iz jârlîches dienete . biz man ez geloeset . nâh unses vateres tôde . giltet eber
- U06-006,16 hêrre Gêrlach guotes noch in sîneme lebene . daz belîbet halp hêrren Dieteriche . inde
- U06-006,17 den lezzesten kinden halp nâh des vateres tôde . daz diz stæte sî sô hât hêrre Gêrlach
- U06-006,18 selbe . inde sîn sun . hêrre Dieterich . hêrre Rorich . inde hêrre Herman sîn neve
- U06-006,19 van Rennenberc . inde der waltbote van der niuwer burc . ire ingesigele an
- U06-006,20 disen brief gehangen . diz geschach nâh gotes gebûrte . tûsent jâr zwei
- U06-006,21 –[...] –[...] –[...] –[...] –[...]
- N282-220,14 wir Wînant hêrre van Waldecke unde Simon unde Kuonrât der junge di bruodere
- N282-220,15 van Schoenecke wir tuon kunt allen den jenen di disen brief ane sient ober hoerent daz wir
- N282-220,16 mit râte unser vriunde inde mit unseme guoteme willen uns gemuotsüenet hân van alle der
- N282-220,17 werrungen di enzwûschen uns was van unseme gemeineme guote unde van unsen gemeinen

- N282-220,18 liuten alsô daz wir Wînant unde unse nâhkomen êwiclîche solen behalten
Merremunt daz
- N282-220,19 dorf mit den liuten inde mit deme guote als iz gelegen is unde nemelîche
mit dem Rusberge
- N282-220,20 inde mit deme getelle unde mit deme gebirge daz dâr zuo gehoeret unde
mit deme gerihte
- N282-220,21 als iz undergangen unde unterscheiden ist alsô daz wir dâr über solen
belîben rehte vôte
- N282-220,22 inde lêhenhêrren unde mit unseme gehengnisse solen di zwêne bruodere
Simon unde Kuonrât
- N282-220,23 mit vier eselen sich holzen in deme Rusberge âne gevâr unde âne arge list
dâr engegene
- N282-220,24 solen wir Simon unde Kuonrât hân daz dorf zuo Gundershûsen wir unde
unse nâhkomende
- N282-220,25 êwelîche zuo alle deme rehte alse iz gelegen ist mit guote unde mit liuten
unde solen dâr
- N282-220,26 über belîben rehte vôte unde lêhenhêrren gelîcher wîs alse hêrre Wînant
zuo Merremunt ist
- N282-220,27 sunder ein halbe huobe di zuo Nidergundershûsen gelegen ist di sal hoeren
zuo Merremunt
- N282-220,28 in hêrren Wînandes guot âne di evene di si schuldic is di sal belîben alle
Simone unde Kuonrâte
- N282-220,29 unde willen wir wole samelîche unde sîn des eintrehtic worden daz di van
Gundershûsen
- N282-220,30 solen varen uf di weide van Merremunt unde van Merremunt wider uf di
van Gundershûsen
- N282-220,31 guotlîche âne widersprâche alse si biz her hânt getân unde ich Wînant unde
Simon
- N282-220,32 unde Kuonrât wie unser iegelich vât unde lêhenhêrre sî über daz sîne sô en
sal unser iegelich
- N282-220,33 doch niemer mûgen hân danne wir Simon unde Kuonrât driu hundert schâf
inde hêrre Wînant
- N282-220,34 alse vile uf di gemeine weide gânde unde sôwelich unser einen diep in
sîneme gerihte
- N282-220,35 begrîfet den sal her hên mit des anders liute helfen an den gemeinen galgen
zuo Gundershûsen
- N282-220,36 is daz dannen abe enkein nutz vallende ist dê sal deme vallen in des gerihte
hê begrîffen wirdet
- N282-220,37 mê in swes gerihte tôtslac obe offen wunden getân werdent ober mit
anderme valsche
- N282-220,38 begrîffen wirdet daz rihte iegelîcher in sîneme gerihte unde behalte ouch
hime den nutz
- N282-220,39 dê dannen abe vallende ist unde gên iegelîche liute in dis ander gerihte ûz
inde in
- N282-220,40 unbevangen unde unbeklât unde âne gevâr würde aber zuo missevange ir
keines liut
- N282-220,41 in dis anders gerihte bezzerunge schuldic di bezzerunge di sal iegelîches
hêrren man sînes selbes

- N282-220,42 hêrren wider heim tragen inde enkein vreidic guot en sal ir weder in dis anders gerihte
- N282-220,43 nemen unde di ûzliute di in ir weders gerihte in sitzent di en solen wir Simon unde Kuonrât noch
- N282-220,44 unse erben niemer mê geherbergen noch geachten unde solen doch hân unse reht an hin
- N282-221,1 als uns der scheffen teilet unde solen wir Wînant van den selben liuten hân wir unde
- N282-221,2 unse erben unse kornbete unde unse pfennincbete unde unse volleist under sehszic marken
- N282-221,3 übermittes hiren boten unde unse vâthelbelinge mit alle deme rehte also unse vorevaren an
- N282-221,4 uns hânt brâht inde der volleisten der sehszic marke der sint di van Gundershûsen vrî
- N282-221,5 unde in weliches gerihte der ûzliute enkein ziuhet deme sal hê belîben âne arge list die wîle
- N282-221,6 hê dâ wanet uf daz daz diuse voregesprochene dinc inde diuse muotsuone êwiclîche stæte
- N282-221,7 belîbe sô hân wir Wînant Simon unde Kuonrât unse ingesigele her ane gehangen unde
- N282-221,8 wir Ernest van Virnenburc Dieterich van Kaltenvels Uolrich van deme steine Thomas van
- N282-221,9 Sauershûsen jien des daz wir râtliute wâren unde eintrehtic wurden mit unseme obermanne
- N282-221,10 den bidermanne hêrre Johanne van Randecke diuser beschribenen muotsuonen unde hân di besetzt
- N282-221,11 unde hân unse ingesigele zuo urkunde an diusen brief gehangen uf daz daz diuse selbe muotsuone
- N282-221,12 êwiclîche stæte belîbe ich Ernest unde Thomas wande wir ingesigele niet en hân sô lâzen wir
- N282-221,13 uns genüegen mit unser gesellen ingesigele di si her ane hânt gehangen actum et datum
- N282-221,14 anno domini MCC\o octogesimo V in crastino Johannis ante portam latinam
- 776-149,11 ich Wilhelm Bozel van deme steine tuon kunt allen den [die] disen brief sehent unde hoerent /
- 776-149,12 daz ich unde mîn erben ledic manne sîn des grâven Heinriches mînes hêrren unde sîner
- 776-149,13 erben van Veldenzen di zuo der grâvescheffe zuo Veldenzen hoerent van der niuwen burc di
- 776-149,14 ich gebûwet hân bî deme dorfe zuo Navelden / unde verjên mich des vûre mich unde mîn erben
- 776-149,15 swanne mîn hêrre der grâve Heinrichen im aber sînen erben zuo allen sînen noeten unde
- 776-149,16 sîner erben wider alleremenneglich di burc zuo Navelden sol uf tuon ime und allen sînen erben

- 776-149,17 unde sal sich unde sîne erben danne ûz behelfen als ez ime unde sînen erben vüeget / alsô
- 776-149,18 swanne in aber sîne erben nôt ane gienge sô sal er daz vorderen uf di selbe burc einen
- 776-149,19 mânôt bevore / swie aber daz quæme / daz got behüete daz ich aber mîne erben dâr wider
- 776-149,20 wæren unde des niet enthæten / sô solte ime unde sînen erben di selbe burc zuo Navelden entvallen
- 776-149,21 sîn / in sîn hant unde sîner erben / unde behüebe ich âr mîne erben ime unde sînen
- 776-149,22 erben / dâr über di burcvuore / daz wære mit mîneme unrehte gên ime unde sînen erben / unde
- 776-149,23 bekennen mich ouch des / daz ich unde mîne erben niemannen solen halten uffê der selben
- 776-149,24 burc di mîneme hêrren deme grâven / Heinrichen van Veldenzen oder sînen erben / oder sînen
- 776-149,25 burcmanen wider sîn aber schaden tæten / alsô swanne sîne burcmanne gehôrsam wæren
- 776-149,26 vore ime reht oder minne zuo nemene unde zuo gebene / unde uffê daz / daz dise vorewort
- 776-149,27 stæte unde unverbruchtic sîn unde verlîben / unde mit mîneme guoten willen sîn getân / sô
- 776-149,28 henken ich mîn insigel zuo eineme urkünde an disen selben brieve / unde biten dise hêrren
- 776-149,29 di her nâh in disen brieve geschriben sint daz si ze eineme urkünde ire insigele an disen selben
- 776-149,30 brieve henken / den grâven Hugin van Lützelstein / den grâven Eberharten van Zweinbrücken /
- 776-149,31 den grâven Heinrichen van Spânheim den grâven Gotvriden Robin den wildegrâven . hêrre
- 776-149,32 Wilmein van Heinzenberc / hêrre Nikolâsen / hêrre Hugin unde hêrre Johannan van Hunoldestein / unde
- 776-149,33 begenüegent den zwein mit des vôtês Nichawes insigele / dirre brieve wart geschriben unde
- 776-149,34 gegeben zuo Lihtenberc des sunnetages vore deme drîzêndesteme tage dô der milier lief van
- 776-149,35 gotes gebürte . tûsent zwei hundert unde sehs unde ahtzic . jâr .
- 796-163,30 in nomine domini âmen . wir der græve Ruodbreht van Virnenburc / hêrre Heinrich
- 796-163,31 van Dûne / Johan van Rînecke / Tilman van Reinbach der alte / hêrre Tilman der junge
- 796-163,32 van Reinbach / hêrre Heinrich van Montabûr / hêrre Gotevrit van Vritsdorf /. inde Ingebrant van
- 796-163,33 Derinouwe . umbe als soliche zweiunge die was enzwûschen hêrren Gêrharte van Landeskrône / inde
- 796-163,34 Otten sînen bruoder / inde die an uns gelâzen was / die hân wir bescheiden als her nâh geschriben

- 796-163,35 steit . ane gânde sprechen wir / daz / daz hêrre Gêrhart haben sal die burc
zuo Landeskrône
- 796-163,36 mit liuten inde mit guote / daz zuo dis hûses huoten gehoert / als iz sîn
vater hatte van deme
- 796-163,37 rîche / inde Otte niet . anderwerbe sagen wir / daz hêrre Gêrhart inde Otte
teilen solen bescheidenlîche
- 796-163,38 als solich erbe / als ire vater inde ire muoter hatten sôwâ iz sî gelegen . dritte
werbe
- 796-163,39 sagen wir obe hêrre Gêrhart inde Otte zweinde würden umbe ire erbe / daz
hêrre Gêrhart
- 796-163,40 spræche iz hôte zuo deme rîche / inde Otte spræche iz hôte zuo ireme erbe
/ daz sal ervaren hêrre
- 796-163,41 Heinrich der guote der alte / mit wârheite obe mit rehte / inde swaz hê dâr
umbe saget
- 796-163,42 des sal in beiden genügen . vierde werbe sagen wir / daz hêrre Gêrhart sal
geben Otten daz hûs
- 796-163,43 inde daz burclêhen daz hê gekoufet hât uf Landeskrône / inde sal ime dâr
zuo geben under al
- 796-163,44 vünften marc geltes / als gewenelich is / obene / inde nidene / in deme
lande alle wege uf sente
- 796-163,45 Martines tac want hêrre Gêrhart was ein rittere / inde ires gemeinen guotes
mê vertân hât
- 796-163,46 danne Otte als ire gemeine mâge sprechent . Otte sal ouch rîten ûz sîneme
burclêhene dienen
- 796-164,1 sînen hêrren / inde sînen vriunden als andere dis rîches burcmanne / inde
dâ ane en sal hêrre
- 796-164,2 Gêrhart Otten niet ane hinderen . vünfte werbe sprechen wir daz die liute
die hêrre Gêrhart
- 796-164,3 sprichet / die sich an diz rîche hânt gemachet / inde Otte sprichet si haben
sich gemachet an
- 796-164,4 iren vater / des sal sich ervaren hêrre Heinrich der guote vindet hê mit
wârheite daz si deme rîche
- 796-164,5 solen volgen sô en sal man ir niet teilen / vindet hê daz / daz si deme rîche
niet volgen en solen /
- 796-164,6 sô solent si die liute gelîche teilen . sehste werbe sagen wir / daz ire manne
alle solen volgen hêrren
- 796-164,7 Gêrharte . sibende werbe sagen wir / daz Otte alle der schult / der sîn
bruoder inde hê sementlîche
- 796-164,8 schuldic sint / sal gelten hundert marke / dâ hê ir sint herbeste niet
vergolten en hât /
- 796-164,9 enzwûschen hier inde paschen . ehte werbe sprechen wir / daz hêrre
Gêrhart sal haben alle die vorderungen
- 796-164,10 van schulde / die si hânt / inde des en hât Otte niet zuo tuone / sprichet
aber ieman ane
- 796-164,11 si umbe schult / die sal hêrre Gêrhart verantworten / inde Otte niet / inde
vort en sal Otte hêrren

- 796-164,12 Gêrharte niet dringen . uf daz diz êwic inde stæte sî / sô hân wir / der græve Ruodbreht / hêrre
- 796-164,13 Heinrich van Dûne / Johan van Rînecke / Tilman van Reinbach der alte / Tilman der
- 796-164,14 junge van Reinbach Heinrich van Montabûr / Gotevrit van Vritsdorf / Ingebrant van
- 796-164,15 Derinouwe / Peter van Êich / Heinrich der guote / inde wir die iz ane geit / hêrre Gêrhart inde
- 796-164,16 Otte die gebrüedere van Landeskrône / diusen gegenwürtigen brief besigelt mit unsen ingesigelen /
- 796-164,17 die her ane gehangen sint . der brief wart gegeben van gotes gebürte tûsent jâr
- 796-164,18 zwei hundert jâr / vûnv inde ehtzic jâr / dis mântages nâh sente Gêrtrûte tage / dâ vile
- 796-164,19 guoter liute über was .
- N301-230,14 diz is ein widergeschrifte under ingesigele des hospitâles van Sinzige in nomine
- N301-230,15 domini âmen wir der græve Ruodbreht van Virnenburc hêrre Heinrich van Dûne Johan
- N301-230,16 van Rînecke Tilman van Reinbach der alte hêrre Tilman der junge van Reinbach hêrre
- N301-230,17 Heinrich van Montabûr hêrre Gotevrit van Vritsdorf inde hêrre Ingebrant van Derinouwe
- N301-230,18 umbe als soliche zweiunge die was enzwûschen hêrren Gêrharte van Landeskrône inde Otten
- N301-230,19 sînen bruoder inde die an uns gelâzen was die hân wir bescheiden als her nâh geschriben
- N301-230,20 steit ane gânde sprechen wir daz daz hêrre Gêrhart haben sal die burc zuo Landeskrône mit
- N301-230,21 liuten inde mit guote daz zuo dis hûses huoten gehoert als iz sîn vater hatte van deme rîche
- N301-230,22 inde Otte niet anderwerbe sagen wir daz hêrre Gêrhart inde Otte teilen sulen bescheidenlîche
- N301-230,23 als solich erbe als ire vater inde ire muoter hatten sôwâ iz sî gelegen dritte werbe sagen
- N301-230,24 wir obe hêrre Gêrhart inde Otte zweinde würden umbe ire erbe daz hêrre Gêrhart spræche iz
- N301-230,25 hôrte zuo deme rîche inde Otte spræche iz hôrte zuo ireme erbe daz sal ervaren hêrre Heinrich
- N301-230,26 der guote der alte mit wârheite obe mit rehte inde swaz hê dâr umbe saget des sal in
- N301-230,27 beiden genüegen vierde werbe sagen wir daz hêrre Gêrhart sal geben Otten daz hûs inde daz
- N301-230,28 burclêhen daz hê gekoufet hât uf Landeskrône inde sal ime dâr zuo geben under al vûnvziene
- N301-230,29 marke geltes als gewenelich is obene inde nidene in deme lande alle wege uf sente Martines

- N301-230,30 tac want hêrre Gêrhart was ein rittere inde ires gemeinen guotes mê vertân
hât danne Otte
- N301-230,31 als ire gemeine mâge sprechent Otte sal ouch rîten ûz sîneme burclêhene
dienen sînen hêrren
- N301-230,32 inde sînen vriunden als andere dis rîches burcmanne inde dâ ane en sal hêrre
Gêrhart Otten
- N301-230,33 niet ane hinderen vünfte werbe sprechen wir daz die liute die hêrre Gêrhart
sprichet die sich
- N301-230,34 an diz rîche hânt gemachet inde Otte sprichet si haben sich gemachet an
iren vater des
- N301-230,35 sal sich ervaren hêrre Heinrich der guote vindet hê mit wârheite daz si deme
rîche solen volgen
- N301-230,36 sô en sal man ir niet teilen vindet hê daz si deme rîche niet volgen en solen
sô solent si
- N301-230,37 die liute gelîche teilen sehste werbe sagen wir daz ire manne alle solen
volgen hêrren Gêrharte
- N301-230,38 sibende werbe sagen wir daz Otte alle der schult die sîn bruoder inde hê
seminclîche
- N301-230,39 schuldic sint sal gelten hundert marke dâ hê ir sint herbeste niet vergolten
en hât enzwûschen
- N301-230,40 hier inde paschen ehte werbe sprechen wir daz hêrre Gêrhart sal haben alle
die vorderunge
- N301-230,41 van schulde die si hânt inde des en hât Otte niet zuo tuone sprichet aber
ieman ane si umbe
- N301-230,42 schult die sal hêrre Gêrhart verantworten inde Otte niet inde vort en sal
Otte hêrren Gêrharte
- N301-230,43 niet dringen uf daz diz êwic inde stæte sî sô hân wir der græve Ruodbreht
hêrre Heinrich
- N301-230,44 van Dûne Johan van Rînecke Tilman van Reinbach der alte Tilman der
junge van
- N301-231,1 Reinbach Heinrich van Montabûr Gotevrit van Vritsdorf Ingebrant van
Derinouwe Peter
- N301-231,2 van Ëich Heinrich der guote inde wir die iz ane geit hêrre Gêrhart inde Otte
die gebrüedere
- N301-231,3 van Landeskrône diusen gegenwürtigen brief besigelt mit unsen
ingesigelen die her ane
- N301-231,4 gehangen sint der brief wart gegeben van gotes gebürte tûsent jâr zwei
hundert jâr vünv
- N301-231,5 inde ehtzic jâr dis mântages nâh sente Gêrtrûte tage dâ vile guoter liute
über was
- 836-187,25 . wir hêrr Dieterîch hêrre / van Heinsberc tuon kunt allen den jenen die
disen
- 836-187,26 brief ane sien . daz Arnolt Kîlthûs . dê unse man is van / einer biunden /
die liget ze Stade
- 836-187,27 ende van andereme guote . daz hê verkouft hât / ende schuldic is / driu
malter roggen . ende

- 836-187,28 driu malter evenen deme gasthûse van Heinsberc . ende daz korn sal gelten allewege .
- 836-187,29 vore Allerheiligen messen . ende antwürten ze Heinsberc . ende weren mit Heinsberger mâzen .
- 836-187,30 alsô pfahthes reht is . ende sunder arge list . des hân wir gehenget . umbe gotes wille . ende
- 836-187,31 umbe Arnoldes bete . ende ander sîner vriunde . daz hê Arnold . daz voresprochen korn . sal gelten
- 836-187,32 van der voresprochen biunden . die hê van uns heltet . wær daz sache daz des einige gebreche
- 836-187,33 wære . sô sulen wir den meister van den gasthûse ende die . di daz underhaben .
- 836-187,34 die voresprochen biunde . alsô lange tuon underhaben . wende si allen hiren gebruch hân
- 836-187,35 ûf gehabt . ende umbe daz dit den gasthûse stæte belîbe . sô hân wir umbe Arnoldes bete
- 836-187,36 ende sîner vriunde unse ingesigel an disen brieve gehangen . daz dise brieve geschriben wart .
- 836-187,37 des is van unses hêren gebürte jâr . tûsentic . zwie hundredic . ende ahtenzic ende sehse .
- 836-187,38 ze sente Gilis âbende
- 995-326,32 ich Peter van Eîch inde mîne kint tuon kunt . allen den die disen brieve anesient
- 995-326,33 oder gehoerent . daz solich guot also mir . der græve Heinrich van Veldenze hatte gegeben
- 995-326,34 mir inde mînen erben zuo rechter manscheft . inde mit namen die gülte die ich van
- 995-326,35 manscheft zuo andelange hatte . dâr uf verzigen ich inde mîn erben . âne aller hande slahte arge list .
- 995-326,36 daz ich noch mîne kint . niemer . daz gevorderen en solen . an den voregesprochen græven
- 995-326,37 noch an sîne erben / mit keiner slahten anesprâche / âne alle arge list . inde alsô als ez hier
- 995-326,38 vore geschriben ist . alsô wile ich iz stæte halten inde mîne kint . des hân ich mit bēden
- 995-326,39 mîner kinde mîn ingesigel . an disen selben brieve zuo eineme stæten urkunde gehangen .
- 995-326,40 diser brieve ist gegeben . van gotes gebürte . tûsent jâr . zwei hundred . jâr inde ehte inde
- 995-326,41 ahtzic jâr ane deme karvrîtage .
- 1076-376,32 in gotes namen . âmen . daz sî kunt / allen / den / die / disen brieve / anesient / daz wir /
- 1076-376,33 Walrabe / der græve van Gûliche / mit den êrsamen / liuten . den rihtæren / den scheffenen /
- 1076-376,34 deme râte / inde den burgeren / gemeinliche / van Kölne / übermittes / unse mæge . inde unsen

- 1076-376,35 rât / vriuntliche übertragen . hân alsus . daz wir inde unse nâhkomelinge .
die nâh der zît
- 1076-376,36 ze Gûliche græven sint / ze Kölne burgere worden sîn / inde wesen solen .
erbelîche . sô daz
- 1076-376,37 wir / inde unse nâhkomelinge / die græven ze Gûliche sint . die burgere /
van Kölne samelîche /
- 1076-376,38 inde sunderlîche / in al unseme lande inde unser / hêrscheffe / inde in
unseme gerehte /
- 1076-376,39 inde ouch enbûzen unseme lande / mit guoten . triuwen . beschirmen /
bevriden / inde behûeten
- 1076-376,40 sulen an lîbe / inde an guote gelîcher wîs / alse unses selbes liute / inde /
unse burgere /
- 1076-376,41 sunder arge list . daz sî ouch ze wizzene daz wir inde unse liute . in Kölne
/ beschirmet
- 1076-376,42 sulen sîn . inde vridelîche gelîche den burgeren van Kölne / vort sî daz ze
wizzene daz wir
- 1076-376,43 die stat / inde die burgere van Kölne nâh unser maht halten inde hûeten
sulen / in alle
- 1076-376,44 deme rehte inde in der / vrîheite / inde in den / guoten / gewoneden / die
si van alters / mit
- 1076-376,45 hantvestingen . in geschrifte inde sunder geschrifte . here habent / brâht .
inde dâ si nû
- 1076-376,46 inne sint / inde sitzent . wære ouch / daz die burgere . van Kölne / dâ ane
ieman drücken obe
- 1076-377,1 drengen / wolte in einiger wîsen . mit gewelte / inde ze unrehte . wider
den sulen wir
- 1076-377,2 der stete / inde den burgeren van Kölne râten . inde helfen in gelîcher / wîs
. ein getriuwe .
- 1076-377,3 burgere / sîner stete schuldic is / ze tuone . sô daz wir in niet widersagen
en mûgen / inde
- 1076-377,4 si engeine wîs . begeben en sulen . vort en sulen wir die burgere van Kölne
. beide in unseme
- 1076-377,5 lande inde anderswâ / niet beswæren . lâzen / nâh unser maht . ze unrehte
. wære eber daz
- 1076-377,6 einic burgere van Kölne . in unseme gerehte iemanne beklagete / obe van
iemanne / beklaget
- 1076-377,7 würde / umbe schult . obe umbe / einige andere sache . sô sulen wir / den
burgeren
- 1076-377,8 van Kölne / guot / inde genædic gerehte . tuon tuon . sunder vâ / daz
selbe sal unsen
- 1076-377,9 liuten / binnen Kölne geschien . is ouch daz einic / unser liute / binnen
Kölne / obe / einic /
- 1076-377,10 burgere / van Kölne / binnen unseme gerehte . einige schult machete / obe
des got niet
- 1076-377,11 en wille / einige missetât / tæte dâr umbe en sulen wir in eine sîte / die
burgere /

- 1076-377,12 van Kölne in ander sîte / niemanne / anders unschuldiger / lâzen /
beswæren / noch pfenden .
- 1076-377,13 mæR ein iewelich klagære sal ime mit rehte . lâzen genüegen . quæme iz
ouch / alsô daz
- 1076-377,14 uns die burgere van Kölne . helfen ane gesunnen / sô sulen wir / in ze
helfen selbe / hendelingen /
- 1076-377,15 binnen Kölne / kumen / mit / niun rîtæren / inde mit vûnvzien / knappen
. mit den
- 1076-377,16 wâfenen . ûf . überdekten orsen inde helfen in . inde der stete / van Kölne
/ nâh unsen êren
- 1076-377,17 ûf . ire kost . alsô daz si uns / mit den vore genuometen liuten geben sulen
ze unser kost .
- 1076-377,18 über tac / inde über naht . vûnv marke / kölnischer pfenninge . quæme iz
ouch alsô daz uns
- 1076-377,19 ieman / urliugete dâr umbe daz wir der stete / inde den burgeren van Kölne
hûlfen . inde
- 1076-377,20 bestüenden . alsô iz hier vore beschriben is . sô sulen / obe wir / si es / ane
gesinnen . die
- 1076-377,21 selbe burgere van Kölne bûzen . Kölne / uns / helfen / hendelingen / mit
vûnv inte zweinzic
- 1076-377,22 mannen / gewâfenet / van geslehten in Kölne / mit überdekten orsen . nâh
iren êren / ûf unse
- 1076-377,23 kost . wære ouch daz uns obe den burgeren / van Kölne ieman / unreht /
tæte / dâr umbe /
- 1076-377,24 daz wir mit gemeineme / râte inde mit willen urliuogen / wolten / sô sulen
wir / ûf / unse
- 1076-377,25 kost . inde nâh al unser maht inde die selbe burgere / ûf . ire kost . nâh al
irere maht . unser
- 1076-377,26 iewelich deme / anderme helfen . inde bestân . triuweliche / âne arge list .
quæme iz ouch
- 1076-377,27 alsô des got niet en wille daz einige zweinge obe zwist . zwûschen uns /
inde unsen liuten /
- 1076-377,28 in eine sîte / inde den burgeren / van Kölne ûf / ander sîte ûf liefē . dâr zuo
/ sulen wir /
- 1076-377,29 drî unser manne rîtære / inde si drî irere burgere geschicken / die des maht
/ habent dâr
- 1076-377,30 nider ze legenne / binnen vierzic / tagen / mit guoten triuwen . ûf . iren
eit / umbe / dise
- 1076-377,31 voreworte triuweliche / inde vriuntliche / ze haltene / inde zuo tuone / sô
haben wir / Walrabe
- 1076-377,32 dê vore gesprochene græve van Gûliche / gewîst / inde ûf . getragen . den
voregenanden
- 1076-377,33 burgeren inde der stete / van Kölne / hundert marke geltes / an unseme
eigene . mit namen .
- 1076-377,34 an deme hove . zuo Pütze dâr in . niun / huoben / artlandes / inde einliv
marke pfennincgeltes .
- 1076-377,35 verbunden sint . ehtzic / marke . inde an deme / halpscheide / des eigenes
. ze Beslar zweinzic .

- 1076-377,36 marke . dâ mite hundert marke / ervult sint . dâ vüre unse hêrre / unse vater / hêrr Wilhelm
- 1076-377,37 der græve van Güliche / van guoter gehugnisse / tûsent marke . gereitere kölnischer pfenninge
- 1076-377,38 entvienc / inde gezalt . wurden / van der stat / van Kölne / inde die hê . belahrt solte / haben /
- 1076-377,39 an hundert marke geltes . mit râte der burgere van Kölne . inde unse hêrre got / sîn gebot /
- 1076-377,40 mit ime tete êr er daz volvuorte / inde haben wir hêrr Walrabe / die selbe hundert
- 1076-377,41 marke geltes ./ van der stete / van Kölne wider entvagen / inde sîn burgere ze Kölne . dannen
- 1076-377,42 ab . worden . alsô daz wir / inde unse nâhkomelinge . die græven nâh zîten ze Güliche solen /
- 1076-377,43 sîn . daz erbe / niet verlêhenen . noch verkoufen / noch versetzen en mûgen . noch en sulen . iz
- 1076-377,44 en belîbe / an uns . inde / an unsen nâhkomelingen . die græven ze Güliche / wesen sulen .
- 1076-377,45 erbelîche . inde haben wir der voregenande græve van Güliche / mit gegebenere triuwen
- 1076-377,46 gesichert . inde gesworen ze den heiligen alle dise voreworte / ze tuone / inde ze haltene /
- 1076-377,47 triuwelîche / âne / allre hande / arge list . inde sal ein ieweliche / unser nâhkomelinge
- 1076-378,1 die græve ze Güliche is ./ dise selbe voreworte / erniuwen / inde stæte halten / triuwelîche /
- 1076-378,2 inde wir / die rihtære / die scheffenen / der rât . inde die burgere van Kölne erjien / mit
- 1076-378,3 diseme brieve / daz alle dise voreworte wâr sint . inde / hân unse burgemeistere mit
- 1076-378,4 gegebenere triuwen inde mit / gesworenen eiden . vore uns . allen // tuon geloben inde verbinden .
- 1076-378,5 dise voreworte stæte . ze haltenne / âne arge list . inde ûf daz dise dinc / vaste sîn . inde
- 1076-378,6 stæte belîben / sô hân wir . der voregenande græve / an eine sîte / inde wir / die stat van
- 1076-378,7 Kölne in ander sîte unser ingesigele / an disen brieve . gehangen . dit is geschiet / nâh gotes
- 1076-378,8 gebürte / tûsent jâr . zwei hundert jâr . ehtzic / jâr / inde . niun . jâr .
- 2262-399,2 ich Gêrtrût van Vrouwenstein . tuon kunt allen den die diusen brieve lesent obe hoerent
- 2262-399,3 lesen . daz guot dâ Phaffendorf[.....] hân van Elisabeth die mîn juncvrouwe was got habe ire
- 2262-399,4 sêle . daz ich daz den hêrren van Rumersdorf geben –[.....] geræte inde einer almuose . alsô

- 2262-399,5 daz iz nâh mîneme tôde der hêrren êwelîche sî . ich biten ouch die selben
hêrren des . daz si
- 2262-399,6 umbe die liebe unses hêrren Jêsu Christî . mîn inde mînes wirtes dê Sievrit
hie� . inde Elisabêthe
- 2262-399,7 mîner juncvrouwen . inde ander mîner vriunde die tôt sint . got sî in allen
genædic . triuwelîche
- 2262-399,8 gedenken in ireme gebete . als si mir guotlîche hânt gelobet diusen brief
tete ich Gêrtrût
- 2262-399,9 schriben inde besigelen bî mîneme lebende[.....] uf daz die selben
voregenanden hêrren daz guot
- 2262-399,10 nâh mîneme tôde hetten âne aller slahte hindersal . über –[.....] gelübede
wâren guote liute .
- 2262-399,11 dâ was über mîn hêrre der abbet van Rumersdorf . inde der prîor des selben
. klôsters[.....] . inde
- 2262-399,12 noch ein irere bruodere . dâ was über mîn bruoder Diethart inde sîn wirtin
mîn swester . inde
- 2262-399,13 noch mê guoter liute . ouch hân ich diusen brief tuon besigelen mit mînes
bruoderes ingesigele . inde
- 2262-399,14 mînes sunes Sievrides[.] diz[.] geschach in deme jâre duo man zalte van
unses hêrren geburt zweliv
- 2262-399,15 hundert jâr . niunzic jâr . inde in dem vünften[...] jâre . eines sameztages
vore sente Martines tage
- 2262-399,16 dê in deme wintere geliget ...
-
- 3374-492,6 deme êrsamen hêrren græve Hermanne van Sulz der ein hoverihtære ist des
roemischen
- 3374-492,7 küniges Albrehtes entbieten ich Kuonrât der rôte van Schoenecke mînen
dienest alse van der
- 3374-492,8 sachen / daz ich inde hêrre Wînant van Waldecke erkoren sîn zuo ire
voremannen unde hêrre
- 3374-492,9 Wernhere der Brendære van Elz zuo eineme obermanne van der heimsuoche
di dâ geschien ist vrouwen
- 3374-492,10 Lisen van Schoenecke uf ireme guote inde uf ireme wideme / des ervuoren
wir sementlîche zuo Luzze
- 3374-492,11 in der kuntschaf unde ervuoren daz in der kuntschaf mit gesworen eide daz
dar quam Johan der
- 3374-492,12 dâ heizet Boze van Waldecke unde sîne volgære daz di quâmen zuo Luzze
in daz dorf unde viengen
- 3374-492,13 dâ iren schultheizen dê si ane hoeret mit deme lîbe an der stat in deme dorfe
dâ daz gerihte
- 3374-492,14 pfliget zuo sîne inde vuorten in van stat in die gazze daz dar quam sîn wîp
unde beschützete iren man
- 3374-492,15 unde si unde ire man dâ gewunt unde gewarschart wurden beide unde
entran van dannen ire man in ein hûs /
- 3374-492,16 dô quâmen si unde stiezen di türe mit ireme lîbe unde stâchen dâ durch
mit swerten inde quam
- 3374-492,17 doch uf niet / dô ieschen si vüre inde sprâchen si wolten daz hûs verbrinnen
inde branten ez doch

- 3374-492,18 niet / dô lûte di gemeinede ire glocken dô vuoren si dannen unde liezen den man dâ / vort hân
- 3374-492,19 wir ervaren daz di wunden hânt gekostet uf den eit vier marke pfenninge der weringe âne
- 3374-492,20 smerzen des wîbes inde des mannes / unde hân ich Kuonrât der rôte van Schoenecke daz ervaren
- 3374-492,21 daz Johan der dâ heizet Boze van Waldecke hê unde sîne volgære di heimsuoche hânt getân
- 3374-492,22 vrouwen Lisen van Schoenecke uf ireme guote unde[.] uf ireme wideme zuo unrehte unde begrîfen daz
- 3374-492,23 mit mîn[.....] unde wande[.....] der Brendære van Elz der ein oberman ist diser sachen
- 3374-492,24 dâ bî bin gewesen[....] daz diz ervaren[.....] hât[.] hêrre Kuonrât der rôte van Schoenecke unde hêrre Wînant
- 3374-492,25 van Waldecke unde hêrre Kuonrât [daz][...] begrîfet mit sîneme eide daz zuo deme unrehte geschien
- 3374-492,26 sî di heimsuoche unde hêrre Wînant des niet begrîfen en wile weder iz zuo rehte ober zuo unrehte
- 3374-492,27 geschien sî / nû sprechen ich Wernhere der Brendære der ein oberman ist diuser sachen
- 3374-492,28 obe diuse voregenande stücke di wir samentlîche ervaren hân ein heimsuoche ist in deme hove
- 3374-492,29 des rîches / sô volgen ich hêrren Kuonrâte deme rôten der gesprochen hât uf sînen eit /
- 3374-492,30 daz vrouwen Lisen van Schoenecke unreht sî geschien uf mînen eit unde hêrren Wînande niet / daz
- 3374-492,31 diz wâr sî sô besigelen ich Wernhere der Brendære diusen brieve unde hêrre Kuonrât der rôte
- 3374-492,32 van Schoenecke mit unsen ingesigelen . daz geschach des mântages in den pfingesten dâ man
- 3374-492,33 zalte nâh gotes gebûrte niunzic jâr inde niun jâr .
- 3424A-522,22 wir Albreht et cetera künden unde verjehen
- 3424A-522,23 allen den die disen brieve sehent oder hoerent
- 3424A-522,24 lesen / daz wir / dem edelen man Robin von
- 3424A-522,25 Kobern unserem unde des rîches holden unde
- 3424A-522,26 getriuwen lîhen unde haben gelîhen unde sînen
- 3424A-522,27 erben ze rechtem lêhene von des rîches wegen
- 3424A-522,28 daz dorf ze Poliche mit dem gerehte ûf dem
- 3424A-522,29 Meinevelde unde swaz dâr zuo hoeret wan wir
- 3424A-522,30 daz reht haben von des rîches wegen daz
- 3424A-522,31 wir alle guot verlîhen mûgen die nieman
- 3424A-522,32 undertænic noch dienesthaft sint . unde dâr umbe
- 3424A-522,33 wan daz voregenande dorf âne rehten hêrren
- 3424A-522,34 her komen ist sô haben wir dem voregenandem
- 3424A-522,35 Robin unde sînen erben daz vore geschriben dorf
- 3424A-522,36 gelîhen ze rechtem lêhene . von dem rehte daz
- 3424A-522,37 wir von des rîches wegen haben / unde ze

- 3424A-522,38 einem wizzenthaftem urkünde . geben wir im
 3424A-522,39 unde sînen erben disen brief besigelt mit unserem
 3424A-522,40 küninclîchem insigel .
- 3424B-522,22 wir Albreht dê von gotes genâden
 3424B-522,23 ein roemisch küninc ist . und ein mêrære des
 3424B-522,24 rîches / künden unde verjên / allen die disen
 3424B-522,25 brief sehent oder hoerent lesen / daz wir dem
 3424B-522,26 edelen man / Robin von Koberen unsen und
 3424B-522,27 des rîches holden unde getriuwen lîhen unde
 3424B-522,28 hân gelien unde sînen erben zuo rehteme
 3424B-522,29 lêhene von des rîches wegen daz dorf zuo Poliche /
 3424B-522,30 und daz gerehte ûf dem Meinevelde / unde
 3424B-522,31 swaz dêr zuo hoeret wan wir daz reht hân
 3424B-522,32 von des rîches wegen / daz wir alle guot verlîhen
 3424B-522,33 mûgen / die niemanne / undertænic / noch
 3424B-522,34 diensthaft sint / unde dêr umbe wande daz
 3424B-522,35 dorf / âne rehten hêrren her kumen ist / sô
 3424B-522,36 hân wir dem voregenanden Robin unde sînen
 3424B-522,37 erben daz vore geschribene dorf / gelien zuo
 3424B-522,38 rehteme lêhene / von deme rehte / daz wir von
 3424B-522,39 rîches wegen hân . eines iegelîchen rehtes unverzigen /
 3424B-522,40 dê reht dêr ane hât . unde zuo eineme
 3424B-522,41 wizzenthaften urkünde geben wir ime / und
 3424B-522,42 sînen erben / disen brief besigelt mit unseme
 3424B-522,43 küninclîchen ingesigele . und der brief wart – .
- 3424B-523,2 nâh gotes gebûrte zweliv hundert jâr unde
 3424B-523,3 niune und niunzic jâr des anderen tages nâh
 3424B-523,4 sante Marien Magdalênen tage
- 3469-551,24 wir rihtære / scheffenen / inde rât . inde gemeine burgere van Kölne / tuo
 3469-551,25 kunt
 3469-551,25 allen den jenen die nû sint / inde die her nâh kumen sulen / inde die dise
 3469-551,26 hantvesteninge
 3469-551,26 ane gesient inde gehorent daz wir mit guoten willen . unseme gemeineme
 3469-551,27 râte / inde anderere
 3469-551,27 unser gemeiner vriunde umbe êwelîchen vride der stete / inde unser burgere
 3469-551,28 van Kölne .
 3469-551,28 inde des græven hêrren Wilhelmes van den Berge . sîner liute . inde sînes
 3469-551,29 landes / übertrân
 3469-551,29 hân / einer vriuntscheffe die wir êwelîche stæte halten sulen vûre uns inde
 3469-551,30 unse
 3469-551,30 nâhkomelinge mit deme græven hêrren Wilhelme van dem Berge sînen
 3469-551,31 nâhkomelingen
 3469-551,31 inde sînen liuten / getâne wîs alls hier nâh beschriben steit . is iz daz ieman
 nû ob in einigen

- 3469-551,32 zîten her nâh vesteninge ob burc zuo . Diutze willt machen daz sulen wir /
inde alle unse
- 3469-551,33 nâhkomelinge weren mit alle unser maht . in guoten triuwen sunder arge
list . daz selbe
- 3469-551,34 sal helfen weren der græve van den Berge / inde alle sîne nâhkomelinge /
mit alle irere
- 3469-551,35 maht in guoten triuwen sunder arge list . eber is ieman nû ob in einigen
zîten her nâh .
- 3469-551,36 dê her obe gewâfenete liute legen willt ze Diutze . wider die stat van Kölne
. si ane zuo
- 3469-551,37 vehtene / obe zuo hinderne daz sulen wir inde alle unse nâhkomelinge weren
mit alle
- 3469-551,38 unser maht in guoten triuwen sunder arge list ./ daz selbe sal helfen weren
. der græve
- 3469-551,39 van dem Berge / inde alle sîne nâhkomelinge mit alle irere maht in guoten
triuwen sunder
- 3469-551,40 arge list /. eber wær daz nû . ob in einigen zîten her nâh . einic herschif ob
einic
- 3469-551,41 strîtlich schif van vîenden der stete van Kölne ./ gehangen würde wider die
stat van
- 3469-551,42 Kölne ûf den vluz des Rînes ze Diutze obe in daz lant des græven van dem
Berge daz
- 3469-551,43 sulen wir inde alle unse nâhkomelinge weren / mit alle unser maht in
guoten triuwen sunder
- 3469-551,44 arge list . daz selbe sal helfen weren der græve van dem Berge inde alle sîne
nâhkomelinge
- 3469-552,1 mit alle irere maht in guoten triuwen sunder arge list wir inde alle unse
burgere
- 3469-552,2 van Kölne die sulen in der grâveschaf van dem Berge inde in alle sîner maht
ûf deme lande
- 3469-552,3 inde in den wazzere vride hân an lîbe inde an guote gelîche des græven liuten
van dem
- 3469-552,4 Berge / daz selbe sal der græve van den Berge inde sîne liute hân ze Kölne
/ inde in
- 3469-552,5 unser maht gelîche unses selbes burgeren van Kölne . ez en wære daz unse
hêrre der erzebischof
- 3469-552,6 van Kölne inde der græve van dem Berge / samen offenbâre urlougeten sô
en sal der græve
- 3469-552,7 van dem Berge sîne helfære die daz gestifte van Kölne urlugent offenbâre
roubent
- 3469-552,8 ofte brinnent / ze Kölne engeinen vriden hân . alle die van anderen landen
varent
- 3469-552,9 durch die grâveschaf / inde daz lant van dem Berge mit veileme koufe / zuo
Kölne . abe van
- 3469-552,10 Kölne varent . die sulen van des græven wegen van dem Berge sîner
nâhkomelinge inde

- 3469-552,11 sîner liute . durch die grâveschaf van dem Berge inde durch sîne maht vridelîche varen ûf
- 3469-552,12 ire reht daz hât uns der græve van dem Berge gelobet in guoten triuwen sunder arge list .
- 3469-552,13 eber hân wir überein getrân mit deme græven van dem Berge inde sînen liuten . is iz /
- 3469-552,14 daz einic man van sîneme lande . obe van sîner grâveschaf schultgemar wirdet einiges unses
- 3469-552,15 burgers van Kölne . inde die schultgemare in die stat van Kölne kumet / den schultgemare
- 3469-552,16 mac / man ane sprechen mit gerihte / inde sal deme hendelingen reht tuon mit alsô
- 3469-552,17 getâneme rehte / obe iz bekant guot is / sô sal hê gelten nâh unser stete rehte / obe nâh
- 3469-552,18 voreworten / inde obe hê der schult jiet sô sal hê gelten binnen vierzien tagen . is iz ouch /
- 3469-552,19 daz hê der schult lougenet sô sal hê hendelingen sîn reht tuon . mit einer hant sunder vâ /
- 3469-552,20 inde sal niemanne unschuldigen ane sprechen . kumberen obe haften umbe die schult
- 3469-552,21 die ein ander gemachtet hebet . daz selbe sal man halten unsen burgeren van Kölne / in des
- 3469-552,22 græven lande van dem Berge inde in alle sîner maht . wir hân ouch übertrân mit
- 3469-552,23 deme græven van dem Berge . inde sînen vriunden / daz die liute van der grâveschaf van
- 3469-552,24 dem Berge unsen burgeren van Kölne veilen kouf sulen geben inde wir / inde unse burgere
- 3469-552,25 van Kölne sulen wider geben veilen kouf deme græven van dem Berge . inde allen sînen
- 3469-552,26 liuten nû inde zuo allen zîten ./ ez en wære daz unse hêrre der erzebischof van Kölne
- 3469-552,27 inde der græve van dem Berge offenbâre samen urliugeten . sô en sîn wir inde unse burgere
- 3469-552,28 van Kölne deme græven van dem Berge inde sînen helfæren die daz gestifte urluigent /
- 3469-552,29 roubent / ofte brinnent engeinen veilen kouf schuldic ze gebene die deme gestifte schadelich
- 3469-552,30 sî . alsô lange daz urluige wert sô des græven liute van dem Berge unsen burgeren
- 3469-552,31 van Kölne sulen geben veilen kouf / inde des græven liute van dem Berge die veilen kouf
- 3469-552,32 zuo Kölne vüerent / die sulen vride hân zuo Kölne inde in alle unser maht sunder arge
- 3469-552,33 list an lîbe inde an guote . wir hân ouch überein getrân mit deme græven van dem
- 3469-552,34 Berge / inde sîneme râte unsen guoten vriunden / daz lûtere inde êwelîche vriuntschaf inde

- 3469-552,35 guote gunst / zwüschen uns inde in . sal wesen mit guoten triuwen sunder
arge list . wir hân
- 3469-552,36 ouch überein getrân mit deme græven van dem Berge obe einiger hande
zwist zwüschen
- 3469-552,37 ime inde sînen liuten / an eine sîte . inde unsen burgeren ûf ander sîte . ûf
liefe . daz
- 3469-552,38 die ehte der wir viere genuomet hân ./ der burgermeister dê scheffene is
swê dê is /. Gêrhart
- 3469-552,39 der Græve . Dieterich der Gir Constantîn Überstolz ./ inde der græve van
dem Berge viere ./
- 3469-552,40 sîn truhtsæze swê dê is ./ Èngelbreht Ruselpfaffe ./ Walther Stecke ./
Dieterich van Elnere ./
- 3469-552,41 ob die her nâh in ir stat / genuomet sulen werden an beiden sîten die dâr
über zuo den
- 3469-552,42 heiligen gesworen habent / die sulen zesamene kumen binnen Kölne / inde
sulen den zwist
- 3469-552,43 obe den ûflouf scheiden ûf iren eit ./ obe si gemanet werdent van der jener
sîten an
- 3469-552,44 den die bruch geschiet is /. sô sulen die viere ûf der sîte daz die bruch getân
is ûf iren
- 3469-552,45 eit sagen wie man den bruch / obe den ûflouf bezzeren sule binnen vierzien
tagen ./ inde
- 3469-552,46 ob die jene van der sîten die bruch geschiet wære . niet en sehten binnen
vierzien tagen .
- 3469-552,47 sô mügen die den die bruch geschiet is ire bürgen manen / alls umbe einen
bruch . den si ervolget
- 3469-553,1 hân . sagent die gesworenen / daz si sânt daz sal man tuoën . binnen vierzien
tagen nâh
- 3469-553,2 ireme sagene / inde dâ vüre sulen . is iz van unser sîten unse zweliv bürgen
die wir deme
- 3469-553,3 græven van dem Berge gesatzt hân . der namen hier nâh beschriben steint
binnen der muntâten
- 3469-553,4 ze sente Georgese ze Kölne leisten / alse guoter bürgen reht is . dannen niet
ze kumene die
- 3469-553,5 bruch / en sî gebezzeret ./ deme græven van dem Berge inde sînen liuten ./
dâ si vüre gemanet
- 3469-553,6 sint / wær iz eber van des græven sîte van dem Berge . sô sulen sîne zweliv
bürgen der namen
- 3469-553,7 in der hantvesteninge beschriben stein / die hê uns gegeben hât ./ zuo
Mülenheim leisten / alsô
- 3469-553,8 lange biz uns / inde unsen burgeren die bruch ûf geriht wirdet nâh des
græven gesworenen
- 3469-553,9 sagene / nâh rehte ./ nâh minnen / obe nâh süenlîchen dingen ./ is iz ouch
/ daz diser vierre die unse
- 3469-553,10 sagære sint inde gesworene / einic abelîbic wirdet / obe umbe redelîche
sache an den dingen niet

- 3469-553,11 en mohte wesen / sô sal der græve van dem Berge van unsen burgeren einen anderen kiesen
- 3469-553,12 an des stat des dâ bruch is ./ hendelingen sunder arge list ./ daz selbe sulen wir tuoën under
- 3469-553,13 sînen liuten obe ir an ein gebrichet . inde willen doch / daz / obe diser vierre umbe redelîche
- 3469-553,14 sache ein dâr über niet en mohte wesen / daz die andere drî vollenkomenlîche mûgen
- 3469-553,15 sagen / die viere ob si samen wæren / inde swaz si sânt / dâ vûre sulen die bûrgen
- 3469-553,16 leisten also hier vore gesprochen is . eber wær iz daz einic meintætlic man umbe sîne offenbære
- 3469-553,17 missetât / verwîst wûrde ûzer der stat van Kölne / obe nû verwîst wære / inde sich die ze
- 3469-553,18 Diutze nider lehte ze belîbene / der græve van dem Berge / obe sîn truhtsæze des gemanet
- 3469-553,19 wûrde van uns / obe van der stete wegen van Kölne . sô sal der græve van dem Berge
- 3469-553,20 den man tuoën rûmen binnen ehte tagen / obe hê des niet en tæte / swaz deme manne
- 3469-553,21 dâr nâh geschæge / dâ ane en hetten wir niet missetân deme græven . wære eber daz einigeme
- 3469-553,22 unschuldigeme manne zuo den zîten einiger hande schade geschæge / tôtslac / offene wunde /
- 3469-553,23 nôtzoc / obe des gelîch / inde die daz wære geschiet klâten / sô mac die græve van dem
- 3469-553,24 Berge / den klagæren rihten . nâh scheffene urteile / inde doch genædinclîche . mæren
- 3469-553,25 klâte dâ nieman sô sulen die gesworenen sagen ûf iren eit wie man deme græven daz
- 3469-553,26 sule bezzeren . wære eber daz ieman die vîent der stete wære van Kölne / obe schultgemar
- 3469-553,27 wære / einiges unses burgers van Kölne / inde die man binnen der grâveschaf van dem
- 3469-553,28 Berge an wûrde gesprochen obe an lande gehalten / den sal die græve van dem Berge obe
- 3469-553,29 sîne ambetman tuoën bestân biz an sîn gerihte / inde sal unsen burgeren obe iren gewaltigen
- 3469-553,30 boten hendelingen rihten nâh sînes landes rehte gûnstlîchen sunder vâren inde arge list .
- 3469-553,31 wære ouch / daz die græve van dem Berge sîne ambetman obe ieman van sînen liuten binnen
- 3469-553,32 unser stat van Kölne obe binnen unseme gerihte iemanne ane wolten sprechen umbe
- 3469-553,33 einige sîne missetât van deme sulen wir deme græven van dem Berge obe sînen liuten
- 3469-553,34 hendelingen rihte tuoën gûnstlîche sunder vâren inde arge list . inde umbe daz allez dit

- 3469-553,35 daz hier vore beschriben steit stæte sî inde êwelîche gehalten werde deme græven van dem
- 3469-553,36 Berge . sîneme lande . inde sînen liuten . van uns unsen burgeren . inde van unsen nâhkomelingen
- 3469-553,37 van Kölne . sô hân wir deme græven van dem Berge dise zweliv bürgen gesatzt die hier
- 3469-553,38 nâh beschriben steint obe iet des ûf liefē daz kennelich wære daz si gelobet inde gesichert
- 3469-553,39 hânt / mit irere gegebenere triuwen / daz si gemanet sulen leisten also hier vore gesprochen is .
- 3469-553,40 dit sint die bürgen die wir gesatzt hân . deme græven van dem Berge / inde sîneme râte ./
- 3469-553,41 Franke van deme Horne ./ Eberhart der Gir Daniel der Jude ./ Ruotgêr Ratze Heinrich Scherfchîn /
- 3469-553,42 Hildegêr Birkelîn / Philippus Quatermart . Johan van deme Kusine Goteschalc Überstolz /
- 3469-553,43 Bokart Hartevûst der Græve / Constantîn / hêrren Constantînes sun van Lisolskirchen / inde Johan
- 3469-553,44 van deme Hirze /. inde wir vore genuomete bürgen bejien des offenbære inde urkünden daz
- 3469-553,45 an diser hantvesteningen daz wir bürgen worden sîn . gesicheret inde gelobet hân alsô ./ also
- 3469-553,46 hier vore gesprochen is ./ inde verbunden sîn ze alle dise voreworten ze haltene mit unser
- 3469-554,1 gegebenere triuwen . inde wir rihtære scheffenen inde vore genuomete bürgen ./ weder wir
- 3469-554,2 scheffenen ob gemeine burgere sîn erjien des daz wir ouch / saminclîche vüre die stat van
- 3469-554,3 Kölne . inde vüre unse gemeine burgere van Kölne gesichert hân mit unser gegebenere
- 3469-554,4 triuwen . inde ouch gesworen hân zuo den heiligen daz wir dise voreworte vüre uns inde
- 3469-554,5 unse nâhkomelingen ./ inde vüre die stat van Kölne nâh aller unser maht êwelîche stæte
- 3469-554,6 halten sulen ./ inde daz wir die stat van Kölne / inde die gemeine burgere van Kölne in
- 3469-554,7 guoten triuwen sunder arge list / dâr ane sulen halten mit aller unser maht daz si alle
- 3469-554,8 dise voreworte êwelîche stæte halten deme græven van dem Berge ./ sîneme lande / inde
- 3469-554,9 sînen liuten ./ inde iren nâhkomelingen ./ inde sôwê nâh uns rihtære ob scheffene obe
- 3469-554,10 nâh gesatzt bürge / obe gesworene sagære wesen sal zuo Kölne / unser einic en is die sal
- 3469-554,11 sicheren inde sweren zuo den heiligen / wir vore hân getân daz hê alle dise voreworte

- 3469-554,12 stæte sule halten inde tuon halten deme græven van dem Berge / sîneme lande sînen
- 3469-554,13 liuten inde iren nâhkomelingen . in guoten triuwen sunder arge list / wære eber daz unser
- 3469-554,14 bürgen / obe unser vier gesworenen einic abelîbic würde / sô sulen wir binnen vierzien tagen /
- 3469-554,15 einen anderen setzen / an des stat des dâ bruch is . die sal sicheren zuo leistene ob hê
- 3469-554,16 gemanet wirdet . inde sweren zuo den heiligen / die andere hânt getân ./ wie wir des
- 3469-554,17 niet en tæten / sô mac die græve van dem Berge / obe sîne nâhkomelinge / obe ire ambetliute
- 3469-554,18 unse andere bürgen manen / die sulen leisten zuo sente Georgese binnen der muntâten ./
- 3469-554,19 alsô lange biz deme græven van dem Berge voltân is van den bürgen / obe van deme
- 3469-554,20 gesworene des dâ bruch is ./ sunder arge list ./ inde ûf daz dit êwelîche stæte belîbe sô
- 3469-554,21 hân wir deme græven van dem Berge / inde sînen nâhkomelingen dise hantvestenunge
- 3469-554,22 gegeben besigelt mit unser stete ingesigele dâ wir mit zuo allen disen voreworten zuo haltene
- 3469-554,23 êwelîche willen sîn verbunden . dit is geschiet nâh gotes geburten tûsent jâr / zwei hundert
- 3469-554,24 jâr ./ niun / inde niunzic jâr ûf unser vrouwen / âbent der lazzerer
- 3470-554,27 wir græve Wilhelm van deme Berge / tuon kunt allen den jenen die nû sint / inde
- 3470-554,28 die her nâh kumen sulen / inde die dise hantvestenunge ane gesient / inde hoerent / daz wir
- 3470-554,29 mit guoten willen / inde van râte unsers bruoder hêrren .. Kuonrâtes van deme Berge / inde
- 3470-554,30 anderere unser mâge / manne / dienstmanne / burcmanne / inde unser gemeinere vriunde /
- 3470-554,31 umbe êwelîchen vride unses landes inde unser liute / inde der stete / inde der
- 3470-554,32 burger van Kölne / vüre uns inde unse nâhkomelingen / übertrân hân / mit unsen guoten
- 3470-554,33 vriunden / den burgeren van Kölne einer vriuntscheffe / die wir êwelîche stæte halten
- 3470-554,34 sulen / in alsô / getânere wîs / her nâh beschriben steit /. is daz ieman nû obe in einigen
- 3470-554,35 zîten her nâh vestenunge / obe bürge zuo Diutze willt machen / daz sulen wir / inde alle unse
- 3470-554,36 nâhkomelinge weren mit alle unser maht in guoten triuwen sunder arge list / daz selbe sulen
- 3470-554,37 helfen weren die burgere van Kölne / mit aller ire maht mit guoten triuwen . sunder

- 3470-554,38 arge list . eber is ieman nû / obe in einigen zîten her nâh / die her . obe gewâfenete liute
- 3470-554,39 legen wolte zuo Diutze wider die stat van Kölne / si ane zuo vehtene / obe zuo hinderne /
- 3470-554,40 daz sulen wir / inde alle unse nâhkomelinge weren mit alle unser maht / in guoten triuwen .
- 3470-554,41 sunder arge list / daz selbe sulen helfen weren die burgere van Kölne in guoten triuwen
- 3470-554,42 sunder arge list nâh alle ire maht ./ eber wære daz nû / obe in einigen zîten / her nâh
- 3470-554,43 einic / herschif obe / einic strîtlich schif van vîenden der stete van Kölne ûf den
- 3470-554,44 vluz des Rînes zuo Diutze / obe in unse lant gehangen würde / wider die stat van Kölne /
- 3470-554,45 daz sulen wir inde unse nâhkomelinge weren mit alle unser maht in guoten triuwen sunder
- 3470-555,1 arge list / daz selbe sulen helfen weren die burgere van Kölne in guoten triuwen sunder
- 3470-555,2 arge list mit alle irere maht / die burgere van Kölne die sulen in unser grâveschaf inde
- 3470-555,3 in unser maht ûf deme lande / inde in deme wazzere vride hân an lîbe inde an guote
- 3470-555,4 gelîche unses selbes liuten daz selbe sulen unse liute hân ze Kölne gelîche ir selbes burgeren
- 3470-555,5 van Kölne . ez en wære daz unse hêrre der erzebischof van Kölne / inde wir offenbâre
- 3470-555,6 samen urlougeten / sô en sulen wir unse helfære die daz gestifte van Kölne urlougeten
- 3470-555,7 offenbâre / roubeten ofte brenten zuo Kölne engeinen vriden hân . eber wir geloben vüre
- 3470-555,8 uns inde unse nâhkomelinge / daz wir inde unse liute alle die van anderen landen varent
- 3470-555,9 durch unse lant inde durch unse maht zuo Kölne mit veileme koufe / obe dannen varent
- 3470-555,10 die sulen vridelîche varen durch unse lant ûf ire reht in guoten triuwen sunder arge list /
- 3470-555,11 eber hân wir überein getrân mit der stete van Kölne / is daz einic burgere van Kölne
- 3470-555,12 schultgemar wirdet / iemannes van unseme lande / inde die schultgemar in unse lant kumet /
- 3470-555,13 den schultgemar mac man ane sprechen mit gerihte / inde sal deme hendelingen reht
- 3470-555,14 tuon . mit alsô getâneme rehte / obe iz bekant guot is sô sal hê gelten nâh unses landes
- 3470-555,15 rehte obe nâh wârheiten / voreworten / inde obe hê der schult jiet sô sal hê gelten binnen

- 3470-555,16 vierzien tagen . is ouch daz hê der schult lougenet sô sal hê hendenlingen
sîn reht tuon mit
- 3470-555,17 einere hant sunder vâ / inde en sal niemanne unschuldigen ane sprechen
/ kumberen / obe
- 3470-555,18 haften / umbe die schult die ein ander gemachet hât . daz selbe sal man
halten unsen
- 3470-555,19 liuten zuo Kölne / wir hân ouch übertrân mit der stete van Kölne / daz die
burgere van
- 3470-555,20 Kölne unsen liuten sulen geben veilen kouf / inde unse liute sulen geben
wider den burgeren
- 3470-555,21 van Kölne veilen kouf / nû inde ze allen zîten / ez en wære / daz unse hêrre
der erzebischof
- 3470-555,22 van Kölne / inde wir offenbâre samen urliugeten / sô sint die burgere van
Kölne uns
- 3470-555,23 inde unsen helfæren / die daz gestifte urluigent / roubent / ofte brennent
/ engeinen veilen
- 3470-555,24 kouf schuldic ze gebene / dê deme gestifte schadelich sî / alsô lange daz
urlouge wert /
- 3470-555,25 sô unse liute / den burgeren van Kölne sulen geben veilen kouf . inde unse
liute /
- 3470-555,26 die veilen kouf . ze Kölne vüerent / die sulen vride hân / ze Kölne / sunder
arge list an lîbe
- 3470-555,27 und an guote . wir hân ouch überein getrân / mit unsen guoten vriunden
/ den burgeren
- 3470-555,28 van Kölne / daz lûtere inde êwelîche vriuntschaf / inde guote gunst
zwüschen uns inde in
- 3470-555,29 sal wesen mit guoten triuwen sunder arge list / wir hân ouch überein getrân
mit den burgeren
- 3470-555,30 van Kölne / obe einiger hande zwist zwüschen / in inde unsen liuten / ûf
lôufet . daz die ehte
- 3470-555,31 der wir viere genuomet hân unse truhtsæze swê dê is . hêrr Êngelbreht /
Ruselpfaffe / hêrr
- 3470-555,32 Walther Steckel / hêrr Dieterich van Elnere / inde die stat van Kölne viere
/ den burgermeister
- 3470-555,33 dê scheffene is . swê dê is . hêrr Gêrhart der Græve / hêrr Dieterich der Gir
hêrr Constantîn Überstolz /
- 3470-555,34 obe die her nâh in ire stat genuomet sulen werden in beiden sîten die dâr
über zuo den
- 3470-555,35 heiligen gesworen hânt die sulen zesamene kumen binnen Kölne . inde
sulen die zwiste /
- 3470-555,36 obe den ûflouf scheiden ûf iren eit / obe si gemanet werdent van der jenere
sîten an
- 3470-555,37 den die gebruch geschiet is . sô sulen die viere ûf der sîten der gebruch
getân is . ûf
- 3470-555,38 iren eit sagen wie man den bruch inde den ûflouf bezzeren sule binnen
vierzien tagen / inde
- 3470-555,39 obe die viere van der sîten der gebruch geschiet is niet en sehten binnen
vierzien tagen

- 3470-555,40 sô mügen die den dê bruch geschiet is . ire bürgen manen alse umbe einen
bruch / den si
- 3470-555,41 ervolget hân . sagent die gesworenen / daz si sânt daz sal man tuon binnen
vierzien tagen
- 3470-555,42 nâh ireme sagene / inde dâ vüre sulen is iz van unser sîten / unse zweliv
bürgen die wir der
- 3470-555,43 stat van Kölne gesatzet hân / der namen her nâh beschriben steint zuo
Mülenheim leisten alse
- 3470-555,44 guoter bürgen reht is / dannen niet zuo kumene die bruch en sî gebezzert
der stete van Kölne /
- 3470-555,45 dâr si vüre gemanet sint . wær iz eber van der stete sîten van Kölne / sô
sulen ire zweliv
- 3470-555,46 bürgen der namen in der hantvestenunge beschriben steint die si uns
gegeben hânt
- 3470-555,47 leisten binnen der muntâten ze sente Georgese / in Kölne alsô lange biz uns
/ unsen liuten /
- 3470-556,1 obe unsen nâhkomelingen die bruch ûf geriht wirdet . nâh der stete van
Kölne gesworenere
- 3470-556,2 sagene / nâh rehte / nâh minnen / obe nâh süenlîchen dingen . is iz ouch
/ daz diser vierere die
- 3470-556,3 unse gesworene sint / einic abelîbic wirdet / obe umbe redelîche sache an
den dingen niet
- 3470-556,4 en mohte wesen sô sal die stat van Kölne van unsen liuten einen anderen
kiesen an des
- 3470-556,5 stat des dâ gebruch is . hendelingen sunder arge list / daz selbe solen wir
wider tuon . under
- 3470-556,6 den burgeren van Kölne / obe iz an in gebrichet inde willen doch / daz obe
diser vierre
- 3470-556,7 umbe redelîche sache ein dâr über niet en mohte wesen . daz die andere drî
vollenkomenlîche
- 3470-556,8 mügen sagen die viere / obe si alle dâ samen wæren . inde swaz si sânt dâ
vüre sulen
- 3470-556,9 die bürgen leisten alsô hier vore gesprochen is . eber wær iz daz einic
meintætîc man
- 3470-556,10 umbe sîne offenbære missetât verwîst würde ûzer der stat van Kölne / obe
nû verwîst wære
- 3470-556,11 inde sich zuo Diutze nider lehte zuo belîbene . wir / obe unse . truhtsæze
des gemanet
- 3470-556,12 wurden van der stete van Kölne / obe van iren boten sô sulen wir den man
tuon rûmen
- 3470-556,13 van Diutze binnen ehte tagen / obe wir des niet en tæten swaz deme manne
dâr nâh
- 3470-556,14 geschehe / dâ ane en hette uns die stat van Kölne niet missetân wære eber
daz einigeme
- 3470-556,15 unschuldigeme manne zuo den zîten einiger hande schade geschæge /
tôtslac / offene /

- 3470-556,16 wunde / nôtzoge / obe des gelîch inde die den daz wære geschiet / klaget
/ sô mügen wir /
- 3470-556,17 den klagæren rehten nâh scheffenen urteile inde doch genædinclîche / mæ
en klaget dâ
- 3470-556,18 nieman . sô sulen die gesworene sagen / ûf iren eit . wie man uns daz sule
bezzeren / wære
- 3470-556,19 eber daz ieman die vîent wære der stete van Kölne / obe schultgemar wære
einiges burgers
- 3470-556,20 van Kölne / inde dê man binnen unser grâveschaf / obe binnen unseme
geriht ane würde
- 3470-556,21 gesprochen / obe an lande gehalten den sulen wir / obe unse ambetliute
tuon bestân biz an unse
- 3470-556,22 geriht / inde sulen den burgeren van Kölne / obe ireme gewaltigeme boten
hendelingen
- 3470-556,23 rihten in unses landes rehte gûnstlîche sunder vâ / inde arge list / wære
eber daz wir /
- 3470-556,24 obe unser nâhkomelinge / einic unse ambetman / obe unse liute binnen der
stat van Kölne /
- 3470-556,25 obe / binnen ireme geriht iemanne / ane wolten sprechen umbe einige sîne
missetât
- 3470-556,26 van deme sulen uns / inde unsen liuten die burgere van Kölne hendelîchen
reht tuon
- 3470-556,27 gûnstlîchen sunder vâ / inde arge list / nâh scheffenen urteile . inde umbe
daz allez dit daz
- 3470-556,28 hier vore geschriben steit / stæte sî inde êwelîche gehalten werde der stete
/ inde den burgeren
- 3470-556,29 van Kölne . inde ire nâhkomelingen van uns / van unseme lande / van unsen
liuten inde
- 3470-556,30 van unsen nâhkomelingen / sô hân wir der stete van Kölne dise zweliv
bürge gesatzt die
- 3470-556,31 her nâh beschriben steint . obe iet des ûf lief daz kennelich wære daz si
gelobet inde gesichert
- 3470-556,32 hânt mit ire gegebener triuwen / daz si gemanet sulen leisten alsô alse hier
voresprochen
- 3470-556,33 is . dit sint die bürge die wir gesatzt hân der stete van Kölne . hêrr
Hunechîn van Bensbûre /
- 3470-556,34 Brûn van Garderode / Arnolt van Edelensvelt / Êngelbreht van Uphoven /
Philippus van
- 3470-556,35 Lantesberc / Lüdechîn van Winkelhûsen Ruotbreht van Sîberc / Greiros
van Sîberc / Sander
- 3470-556,36 van Hûsechîn / Dieterich van Steinbüchele / Puls van Stamheim Kriech
van Stamheim .
- 3470-556,37 inde wir vore genuomete bürge erjien des offenbære / inde urkünden daz
an diser hantvestenungen /
- 3470-556,38 daz wir bürge worden sîn gesichert / inde gelobet hân alsô alse hier vore
gesprochen
- 3470-556,39 is / inde verbunden / sîn / zuo alle diusen voreworten zuo haltene mit unser
gegebener

- 3470-556,40 triuwen / inde gesworen zuo den heiligen / daz wir den græven van den Berge inde sîne
- 3470-556,41 nâhkomelinge / mit aller unser maht in guoten triuwen sunder arge list / dâr ane sulen
- 3470-556,42 halten / daz si alle diuse voreworten êwelîche stæte halten / der stete / inde den burgeren
- 3470-556,43 van Kölne . daz urkünden wir vore genuomete Kuonrât van den Berge / mit unsem ingesigele / daz
- 3470-556,44 wir umbe stæticheit inde uns zuo verbindene êwelîche zuo disen dingen / an dise hantvesteninge
- 3470-556,45 hân tuon hangen . inde daz selbe hân wir ouch vore genuomete bürgen / mit deme
- 3470-556,46 græven van den Berge unsem hêrren gesichert / inde gesworen zuo den heiligen . inde wir
- 3470-556,47 vore genuomete græve Wilhelm van den Berge erjien des daz wir gesichert hân mit unser
- 3470-556,48 gegebener triuwen / inde gesworen zuo den heiligen / mit unsen vore genuometen bürgen / daz
- 3470-557,1 wir inde alle unse nâhkomelinge alle diuse voreworte stæte sulen halten / der stete inde
- 3470-557,2 den burgeren van Kölne . inde iren nâhkomelingen êwelîche in guoten triuwen sunder
- 3470-557,3 arge list / inde sôwê nâh uns græve wesen sal zuo deme Berge / die sal schuldic sîn alle
- 3470-557,4 diuse voreworte stæte zuo haltene / inde / sal hê / daz sicheren / inde sweren / wir getân
- 3470-557,5 hân / wære eber daz unser bürgen / obe unser vierre gesworener einic abelîbic würde /
- 3470-557,6 sô sulen wir binnen vierzien tagen einen / anderen setzen / an des stat / des dâ bruch is /
- 3470-557,7 dê sal sicheren inde sweren zuo leistene ob hê gemanet wirdet / inde sweren zuo den heiligen /
- 3470-557,8 die andere hânt getân / wie wir des niet en tæten sô mac die stat inde die burgere
- 3470-557,9 van Kölne / unse andere bürgen manen die sulen leisten zuo Mülenheim alsô lange biz den
- 3470-557,10 burgeren van Kölne voltân is / obe van deme bürgen / obe van deme gesworene des dâ
- 3470-557,11 bruch is . sunder arge list . inde ûf daz dit êwelîche stæte belîbe / sô hân wir der stete
- 3470-557,12 van Kölne dise hantvestenunge gegeben mit hêrren Kuonrâtes unses bruoder dê hier vore genuomet
- 3470-557,13 is / inde unses selbes ingesigelen besigelt / dâ wir mit zuo alle dise voreworte ze
- 3470-557,14 haltene êwelîche willen sîn verbunden . dit is geschiet / nâh gotes geburten . tûsent jâr /

- 3470-557,15 zwei hundert jâr / niun inde niunzic jâr ûf unser vrouwen âbent der lazzerer
.
- 3567-612,19 ich Johan Heige ein ritter van Merle / tuon kunt alle den jenen di diusen
briev
- 3567-612,20 ane sient / âr lesen hoerent . daz ich mit rehte bin des überkumen / alse
soliche muntborschaf
- 3567-612,21 alse ich hatte van Philippemannes wegen mînes stiefsunes / daz ich ime die
hân uf gegeben
- 3567-612,22 vore langer zît / wande her zuo sînen tagen wal ist kumen / daz her sîner
lêhene selbe
- 3567-612,23 brûchen mac / unde ouch behalten / unde hatte ich daz getân / êr ich viele
in krieg /
- 3567-612,24 wider den edelman / hêrren Johan .. grâven van Spânheim . alse van des
rîngrâven wegen /
- 3567-612,25 unde begrîfen daz mit mîneme eide / unde mit hulden allen mînere hêrren
/ daz ich des niet
- 3567-612,26 en tete umbe vorhte einiges krieges / danne ich muoste iz tuon umbe reht
/ wande Philipman
- 3567-612,27 ist kumen zuo sînen tagen / unde gewunnen mir sîne vriunde daz mit rehte
ane / unde wir
- 3567-612,28 Winrich Lamperder . Ludewic Zant rittere / Wînant Heige / Wirich
hêrren Winriches bruoder
- 3567-612,29 edel knehte / sîn her bî geweset . daz hêrre Johan Heige diuse rede hât
begrîffen mit sîneme
- 3567-612,30 eide / unde mit der hulden die her alle sînen hêrren hât getân . unde geben
ich Johan
- 3567-612,31 Heige des diusen briev besigelt under mîneme ingesigele / datum in
crastino beati Petri
- 3567-612,32 apostoli at catedram /